hanno più che rasone. Avisa come, venendo de li in camino fuora el Cavo del Ducato verso i Curzulari, discopriteno una vela grossa quara, a la qual acostati a forzo di vele et remi in geto di bombarda, e fatoli segno di calar più fiate, vedendo che la era barza, suspetoe fusse di corsari; vedendo non voler calar, li fece tirar uno colpo dil pezo grosso, et quella postose in arme, li corispose amatandolo che li andasse a lui; unde volse far qual richiedeva l'honor di la Signoria nostra e il suo debito, e li andoe apresso con la galia Marcella, che sola era con lui, e la urtoe tal modo da ogni canto con l'artellaria, che 217° tandem calò, et mandò la barcha con soi primarii a dirli era barza bischaina andava a Patras per levar certa uva passa per Fiandra, scusandose che non lo conosceva. E lui Provedador si dolse con loro dil danno fatoli per una causa dubitando non fusse corsaro, essendo di la portata di bote 700, come diceano, non poteano far altramente. Poi sopra Sapientia trovò un'altra vela larga più quara, et essendo oficio suo aver lengua con tutti i navili grossi, andoe a quella volta: era il galion di Brandizo, capitanio don Pietro Bovadiglia corsaro, qual li fo grato trovar per poter exeguir i mandati di la Signoria nostra in ricuperar i savoni di domino Francesco Cacuri el cavalier, che 'l tolse l'anno passato di una nave pujese il prese. Et esso don Petro, visto l'andava a lui, calò et salutò facendo segno di sumissione, e mandoli do soi primarii a farli large parole di bona servitù a la Signoria nostra, oferendosi etc. Et per lui rispostoli, li fece intender di savoni etc., si scusò non sapea fusse venetiano; promise satisfar, et etiam e di saponi di sier Francesco Malipiero di sier Agustin consolo a Leze; e cussì confessoe il tutto, e promesse etiam pagarli, ma volea termene, zurando non se atrovava il modo dil danaro. E lui Provedador contentò aver uno segno; e fata la ubligation di pagar tutti i savoni al Zante per ducati 177 1/2 in termene di do mexi, e li dete una catena d'oro di valuta di zercha ducati 100. Poi ave letere dil Provedador dil Zante, dito corsaro li havia dato ducati 150 a questo conto et sperava aver il resto; tien cussì atenderà, volendo far ogni dimostrazion di esser aficionato a la Signoria nostra, facendo optima compagnia a tutti li subditi nostri.

turchi. Scrive, si mandi biscoto a Corphù e soven-

tion per le galie per quelle zurme, che pur tropo lo stimolano, impulsi da la extrema lor necessità, et

Dil dito, date ivi a dì 3 Mazo. Come, havendo convenuto esser fermo in quel porto per rispeto di l'armata turchescha, qual era grandemente temuta da tutti li populi si di Candia come di le altre terre de l'isola, e si non lo vedeano molti si hariano posti in fuga, et ne ha veduto di questo qualche segno; sichè molto è stà a proposito la sua venuta de li, e hora dil tutto si sono aquietati. In questo mezo, ha dato opera a la expeditione di quelle galie candiote, che siano armate con spesa grande di legnami non obstante l'ordene dete l'anno passato, che tutti li fornimenti di banchi, balestrieri, crosete, scalete et pontapiedi con le seraglie da basso fusseno consegnate a li deputati a l'Arsenal, al presente si convien refar quasi il tutto di novo. Si ha dolesto al rezimento, li ha promesso far etc. Et scrive fe' observar uno ordene fe' domino Antonio Grimani procurator olim capitanio zeneral, confirmato poi per domino Luca Trun, olim synico, zercha alcune utilità se dia tenir 218 per questi di la camera a le zurme e altri salariati, quando si armano le galie, che erano excessivi e con gran danno di pover homeni, e ha fato nova dichiaration. Serive, voria far custodir quelle bande da' corsari, che dal Sasno a Cavo Malio capitano; sichè non pol esser per tutto, dovendo andar a Schiros e altre insule di l'Arzipelago per exequir i mandati di la Signoria nostra. Scrive, à con lui 8 galie, vol deputar do galie stagino a la custodia dal Sasno a Cavo Malio, licet non se intende de' corsari al presente se non zonze Artazo bischaino, qual li disse don Pedro Bovadiglia che havea armà una barza de bote 500, et veniva a' danni di cadauno; el qual lassò a Sardegna.

Dil dito, a dì 11, ivi. Come è dimorato de lì per conforto di tutti quelli fidelissimi, dovendo l'armata turchescha trovar Cavo Salamon di questa isola. Et aspetando il gripo mandato in Alexandria, ha ateso a far armar le tre galie e mandarle fuora dil porto; la sesta non si pol armar per manchamento di fornimenti, nè ancor apar la nave con li coredi. Hora hanno aviso, dita armata esser partita da Syo e andata a Sora Sari, loco di la Natolia cercha mia 40 più a levante, per trovar più comodità di le lor necessità, e che fino a l'ultimo dil passato non havea quel capitanio auto ordene alcuno dal Signor turcho di quello l'habi a far; nè esser per passar, nì far altro movimento senza suo comandamento. Et certificato da l'homo proprio nominato in le letere dil ducha di Nixia, di 6, esser stà nochiero sopra una di quelle nave, eri qui arivato, che la impresa di Rodi pareva, benchè fusse desiderata da li janizari de l'armata, ma non l'aver lui per sentita da loco se li possi far fondamento etc.; unde li par superfluo il suo restar più de li per aspetar il gripo; nè li par